



Komisija za budžet i finansije

Broj:01-05-1771-28/15

Sarajevo, 19.05.2017.godine

**POSLANICIMA
SKUPŠTINE KANTONA SARAJEVO**

VLADA KANTONA SARAJEVO

Komisija za budžet i finansije Skupštine Kantona Sarajevo, na sjednici održanoj dana, 19.05.2017. godine, u okviru nadležnosti utvrđenih Poslovnikom Skupštine Kantona Sarajevo, razmatrala je materijale Predložene za dnevni red 30. Radne sjednice Skupštine Kantona Sarajevo i u skladu sa članom 27. Poslovnika Skupštine Kantona Sarajevo, podnosi Skupštini

IZVJEŠTAJ

1. Prijedlog odluke o davanju saglasnosti za potpisivanje ugovora za otkup zemljišta u cilju proširenja gradskog groblja "Vlakovo", označenog kao parcela k.č.765 K.O. Vlakovo površine 7.900 m², 766 K.O. Vlakovo površine 9.728 m², k.č., i k.č.764 K.O. Vlakovo površine 35.425 m², ukupne površine 53.053 m²;

Komisija za budžet i finansije je razmatrala ovaj Prijedlog odluke i isti je podržala jednoglasno (5 „za“).

2. Prijedlog odluke o davanju saglasnosti ministru za obrazovanje, nauku i mlade, za zaključivanje Sporazuma o izgradnji poslovnog objekta i način i uslovi korištenja istog, sa Općinom Centar, Sarajevo;

Komisija za budžet i finansije je obavila raspravu o Prijedlogu odluke o davanju saglasnosti ministru za obrazovanje, nauku i mlade, za zaključivanje Sporazuma o izgradnji poslovnog objekta i načinu i uslovi korištenja istog, sa Općinom Centar. Nakon rasprave, Komisija sa 3 "za" i 2 "suzdržana" nije podržala donošenje ove Odluke.

3. Prijedlog odluke o davanju saglasnosti za osnivanje privatne srednje škole naziva: Srednja škola „MAARIF KOLEDŽ“, Sarajevo, Banjalučka bb;

Komisija za budžet i finansije je obavila raspravu po ovom Prijedlogu odluke i nakon razgovora sa predstavnicima Ministarstva za obrazovanje, nauku i mlade isti nije podržala (1 "za" i 4 "suzdržana").

4. Prijedlog odluke o davanju saglasnosti za prenošenje prava i obaveza iz Ugovora o koncesiji, broj: 02-05-23581/15 od 27.08.2015. godine, za eksploataciju mineralne sirovine krečnjaka i krečnjačkih dolomita u ležištu "Puhovik", Općina Ilidža, sa privrednog društva "NEXE" d.o.o. Sarajevo na privredno društvo "AMINA TRADE" d.o.o. Sarajevo;



Komisija za budžet i finansije je razmatrala Prijedlog odluke o davanju saglasnosti za prenošenje prava i obaveza iz Ugovora o koncesiji, broj: 02-05-23581/15 od 27.08.2015. godine, za eksploataciju mineralne sirovine krečnjaka i krečnjačkih dolomita u ležištu "Puhovik", Općina Ilidža, sa privrednog društva "NEXE" d.o.o. Sarajevo na privredno društvo "AMINA TRADE" d.o.o. Sarajevo i nakon obavljene rasprave, isti je podržala (4 "za" i 1 "suzdržan") te predlaže Skupštini da ovaj Prijedlog odluke podrži i usvoji.

5. Program rada i finansijski plan za 2017. godinu:

- a) JU "Kantonalni centar za socijalni rad";
- b) KJU "Dom za djecu bez roditeljskog staranja";
- c) KJU "Dom za socijalno zdravstveno zbrinjavanje osoba sa invaliditetom i drugih osoba";
- d) KJU "Gerontološki centar";
- e) JU Terapijska zajednica- Kampus Kantona Sarajevo;
- f) KJU "Porodično savjetovalište";
- g) KJU "Disciplinski centar za maloljetnike";

Komisija za budžet i finansije je obavila konstruktivnu raspravu sa predstavnicima resornog Ministarstva i predstavnicima javnih ustanova iz oblasti socijale. Kroz raspravu je ukazano na probleme sa kojima se susreću i javne ustanove i Ministarstvo. Diskutovalo se o usklađenosti finansijskih planova sa Budžetom Kantona Sarajevo i realizacijom programa rada za ove javne ustanove. Nakon obavljene rasprave, Komisija je jednoglasno (5 "za") podržala Programe rada i finansijske planove Kantonalnih javnih ustanova i javnih ustanova iz oblasti socijale od a) do g). Komisija za budžet i finansije predlaže Skupštini da ove programe rada i finansijske planove za 2017.godinu podrži i usvoji.

7. Izvještaj o radu i finansijskom poslovanju za 2016. godinu:

- a)JU Narodno pozorište Sarajevo ;
- b)JU Sarajevska filharmonija;
- c) JU Pozorište mladih Sarajevo;
- d) JU Muzej Sarajevo ;
- e)JU Kantonalni zavod za zaštitu kulturno-historijskog i prirodnog naslijeđa Sarajevo ;
- f) JU Historijski arhiv Sarajevo ;
- g) JU Biblioteka Sarajevo ;
- h) JU Muzej "Alija Izetbegović";
- i) JU Centar za kulturu Kantona Sarajevo;
- j) JU Sarajevski ratni teatar – SARTR;
- k) JU MESS-Međunarodni teatarski festival – Scena MESS ;
- l)JU Kamerni teatar'55 Sarajevo ;



Komisija za budžet i finansije je obavila raspravu po izvještajima o radu i finansijskom poslovanju za 2016.godinu javnih ustanova iz oblasti kulture i iste je podržala jednoglasno (5 "za"). Komisija za budžet i finansije predlaže zastupnicima u Skupštini da Izvještaje o radu i finansijskom poslovanju za 2016. godinu navedenih ustanova od a) do l), podrži i usvoji.

8. Izvještaj o radu i finansijskom poslovanju Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida za period 01.01. - 31.12.2016. godine ;

Bez primjedbi, prijedloga ili sugestija, Komisija za budžet i finansije je jednoglasno (5 "za") podržala Izvještaj o radu i finansijskom poslovanju Fonda Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida za period 01.01. - 31.12.2016. godine.

PREDSJEDAVAJUĆI KOMISIJE

Muhamed Kozadra,s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1

